

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,
NAUKE, MLADIH, KULTURE I SPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Broj: 08-23-2785/2025

Datum: 30.12.2025. godine

Na osnovu člana 179. stav (1) i (2) Zakona o osnovama bezbjednosti saobraćaja na putevima u Bosni i Hercegovini ("Sl. glasnik BiH", br. 6/06, 75/20 - ispr, 44/07, 84/09, 48/10, 48/10 - dr. zakon, 18/13, 8/17, 89/17, 9/18, 46/23 i 88/23), te člana 2., 4. i 8. Pravilnika o načinu i uslovima organizovanja ispita za vozača motornih vozila ("Službeni glasnik Bosne i Hercegovine", broj 46/12), člana 10. i 11. Pravilnika o uslovima i načinu dobivanja licence ("Službeni glasnik Bosne i Hercegovine", broj: 12/07, 41/07 i 13/13), te na osnovi člana 18. Pravilnika o stjecanju zvanja vozača-instruktora motornih vozila („Službeni glasnik BiH“, broj: 15/07 i 41/07), a u skladu sa Zaključkom Vlade SBK, broj: 01-04-.1-10497/2025-34 od 04.12.2025 godine, Ministarstvo obrazovanja, nauke, mladih, kulture i sporta Srednjobosanskog kantona r a s p i s u j e

J A V N I P O Z I V

ZA PRIJAVU KANDIDATA ZA ČLANOVE KOMISIJA ZA POLAGANJE VOZAČKIH ISPITA, DOBIJANJA LICENCI I STJECANJE ZVANJA INSTRUKTORA VOŽNJE u 2026. godini

Pravo prijave na Javni poziv imaju kandidati za angažiranje u sljedećim Komisijima:

I. KOMISIJA ZA POLAGANJE VOZAČKIH ISPITA

Imenovanje se vrši na sljedeće pozicije:

1. **Pozicija: Predsjednika Ispitne komisije**, ima osoba koja ispunjava opšte uslove predviđene Zakonom i posjeduje važeću licencu predavača teoretske nastave ili licencu ispitivača teoretskog dijela ispita.
2. **Pozicija: Ispitivača iz poznavanja propisa o bezbjednosti saobraćaja**, ima osoba koja ispunjava opšte uslove predviđene Zakonom i posjeduje važeću licencu ispitivača teoretskog dijela ispita.
3. **Pozicija. Ispitivača iz upravljanja motornim vozilom**, ima osoba koja ispunjava opšte uslove predviđene Zakonom i posjeduje važeću licencu ispitivača iz upravljanja motornim vozilom;

4. **Pozicija: Ispitivača iz poznavanja pružanja prve pomoći**, ima osoba koja ispunjava opšte uslove predviđene Zakonom i posjeduje važeću licencu ispitivača prve pomoći.

II. KOMISIJA ZA PROVOĐENJE PRIPREMNE NASTAVE I ISPITA ZA DOBIJANJE LICENCI

Imenovanje se vrši na sljedeće pozicije:

- a) predsjednik komisije,
- b) ispitivač/predavač iz poznavanja propisa o bezbjednosti saobraćaja na cestama (dva člana),
- c) ispitivač/predavač iz pedagogije (dva člana),
- d) ispitivač iz upravljanja motornim vozilom (dva člana)

Kandidat mora ispunjavati opšte i posebne uslove koji se odnose na sljedeće:

- 1. da je državljanin Bosne i Hercegovine;
- 2. da je stariji od 18 godina;
- 3. da ispunjava uslove propisane članom 11. Pravilnika o uslovima i načinu dobivanja licence ("Službeni glasnik Bosne i Hercegovine", broj: 12/07, 41/07 i 13/13), kako slijedi:
 - a) za **predsjednika komisije** imenuje se diplomirani inženjer saobraćaja, drumski smjer, diplomirani pravnik ili lice sa visokom stručnom spremom nastavno-pedagoške struke, koji imaju važeću vozačku dozvolu i tri godine iskustva u oblasti obrazovanja u saobraćaju;
 - b) za **ispitivača iz teoretskog dijela ispita** se imenuje lice koje ima licencu predavača teoretske nastave ili lice koje ima licencu ispitivača teoretske nastave;
 - c) za **ispitivača iz pedagogije** imenuje se diplomirani pedagog ili andragog koji ima važeću vozačku dozvolu najmanje tri godine, a za ispitivača iz praktičnog dijela pedagogije imenuje se lice koji ima licencu ispitivača upravljanja motornim vozilom.
 - d) za **ispitivača iz upravljanja motornim vozilom** imenuje se lice koje ima licencu ispitivača iz upravljanja motornim vozilom.

III. KOMISIJA ZA PROVOĐENJE PRIPREMNE NASTAVE I ISPITA ZA STJECANJE ZVANJA INSTRUKTORA VOŽNJE MOTORNIH VOZILA

Imenovanje se vrši na sljedeće pozicije:

- a) predsjednik komisije,
- b) ispitivač/predavač iz poznavanja propisa o sigurnosti saobraćaja na cestama (dva člana),
- c) ispitivač/predavač iz saobraćajne psihologije (dva člana),
- d) ispitivač/predavač iz pedagogije (dva člana),
- e) ispitivač/predavač iz metodika vožnje (dva člana),
- f) ispitivač/predavač iz poznavanja motornih vozila, uređaja i opreme (dva člana),
- g) ispitivača iz upravljanja motornim vozilom (dva člana),
- h) sekretar ispitne komisije

Kandidat mora ispunjavati opšte i posebne sljedeće uslove:

- 1. da je državljanin Bosne i Hercegovine;
- 2. da je stariji od 18 godina;
- 3. da ispunjava uslove propisane članom 18. Pravilnika o stjecanju zvanja vozača-instruktor motornih vozila („Službeni glasnik BiH“, broj: 15/07 i 41/07), i to:

- a) za **predsjednika komisije** imenuje se osoba koja je diplomirani inženjer saobraćaja, drumski smjer i ima licencu predavača teoretske nastave ili licencu za ispitivača teoretskog dijela ispita ili lice koje je diplomirani pravnik odnosno lice koje ima VII stepen stručne spreme, nastavno - pedagoškog smjera i ima licencu za ispitivača teoretskog dijela ispita;
- b) za **ispitivača iz poznavanja propisa** o bezbjednosti saobraćaja na putevima imenuje se lice koja ima licencu ispitivača teoretskog dijela ispita;
- c) za **ispitivača iz saobraćajne psihologije** imenuje se diplomirani psiholog koji ima važeću vozačku dozvolu najmanje tri godine;
- d) za **ispitivača iz pedagogije (za usmeni dio ispita)** imenuje se diplomirani pedagog ili andragog koji ima važeću vozačku dozvolu najmanje tri godine;
- e) za **ispitivača iz metodike vožnje (za praktični dio ispita)** imenuje se osoba koja ima licencu ispitivača iz upravljanja motornim vozilom;
- f) za **ispitivača iz poznavanja motornih vozila, uređaja i opreme**, imenuje se diplomirani inženjer saobraćaja, drumski smjer ili diplomirani inženjer mašinstva, smjer motori i motorna vozila;
- g) za **ispitivača iz upravljanja motornim vozilom** imenuje se osoba koja ima licencu za ispitivača upravljanja motornim vozilom one kategorije vozila za koju ispituje.
- h) Za **sekretara komisije** imenuje se diplomirani pravnik koji ima najmanje tri godine iskustva u struci i važeću vozačku dozvolu najmanje tri godine.

IV. DOSTAVLJANJE DOKUMENTACIJE

1. Za člana ISPITNE KOMISIJE ZA POLAGANJE VOZAČKIH ISPITA

Uz popunjen obrazac prijave iz Javnog poziva **pod I.** potrebno je dostaviti,

- 1. (CV) životopis (treba biti popunjen sa osnovnim elementima koji se traže i prikazani na obrascu: životopis biografija curriculum vitae cv i koji je dat u prilogu ovoga Javnog poziva – kao ogledni primjer);
- 2. Potvrdu o prebivalištu ili boravištu, ne stariju od dana objave ovoga Javnog poziva (original);
- 3. Odgovarajuću važeću licencu (u fotokopiji - nije potrebno ovjeravati);
- 4. Važeću dozvolu instruktora vožnje ako se prijavljuje za poziciju pod r.br. 3. Ispitivača iz upravljanja motornim vozilom (u fotokopiji - nije potrebno ovjeravati);
- 5. Važeću vozačku dozvolu (u fotokopiji - nije potrebno ovjeravati);
- 6. Uvjerenje da kandidatu nije izrečena mjera bezbjednosti ili zaštitna mjera zabrana upravljanja motornim vozilom, ne starije od dana objave ovoga Javnog poziva (svrha: prijava na Javni poziv za člana Ispitne komisije) (mjerodavno je uvjerenje koje izdaje MUP – Uprava za administraciju u mjestu prebivališta kandidata),
- 7. Uvjerenje da se protiv kandidata ne vodi krivični postupak, ne starije od dana objave ovoga Javnog poziva (svrha: prijava na Javni poziv za člana Ispitne komisije), (mjerodavno je uvjerenje koje izdaje nadležni sud);
- 8. Izjavu da kandidat nije angažiran u autoškoli po bilo kojem osnovu (ukoliko se prijavljuje za poziciju/je iz tačke I. pod 1., 2 i 3. ovoga Javnog poziva);
- 9. Izjavu da kandidat nije angažiran u crvenom križu (ukoliko se prijavljuje samo za poziciju pod r.br. 4. Ispitivača iz poznavanja pružanja prve pomoći).

2. Za člana KOMISIJE ZA PROVOĐENJE PRIPREMNE NASTAVE I ISPITA ZA DOBIJANJE LICENCI

Uz popunjen obrazac prijave iz Javnog poziva **pod II.** potrebno je priložiti:

- a) ovjerenu kopiju diplome (*NAPOMENA: Samo za poziciju pod a) i c),*

- b) potvrdu o prebivalištu ili boravištu, ne stariju mjesec dana od dana objave ovoga Javnog poziva) (kopija),
- c) kopija licence (NAPOMENA: Samo za pozicije pod a), b), i d) i
- d) kopija vozačke dozvole (NAPOMENA: obavezan dokument za sve pozicije).

3. Za člana KOMISIJE ZA PROVOĐENJE PRIPREMNE NASTAVE I ISPITA ZA STJECANJE ZVANJA INSTRUKTORA VOŽNJE MOTORNIH VOZILA

Uz popunjen obrazac prijave iz Javnog poziva **pod III.** potrebno je priložiti:

- a) *Ovjerenu kopiju diplome (NAPOMENA: Samo za pozicije pod a), c), d) i f),*
- b) *Potvrdu o prebivalištu ili boravištu, ne stariju mjesec dana od dana objave ovoga Javnog poziva) (kopija),*
- c) *Kopiju vozačke dozvole (NAPOMENA: Samo za pozicije pod c) i d),*
- d) *Kopiju licence (NAPOMENA: Samo za pozicije pod a), b), e) i g).*

V. Ministarstvo obrazovanja, nauke, mladih, kulture i sporta SBK iz Travnika, zadržava pravo traženja dodatne dokumentacije kao relevantnih dokaza za opće posebne uvjete predviđene Zakonom.

VI. Prijavljivanje se vrši putem obrasca Prijave koji se može preuzeti u Odjelu za prometnu edukaciju autoškola i vozačkih ispita, Travnik, Zvijezda 2, i na web adresi: www.mozks-ksb.ba.

VII. Prijave na Javni poziv, uz propisanu dokumentaciju, u zatvorenoj koverti obavezno dostaviti **PREPORUČENO** putem pošte ili putem protokola ovoga Ministarstva najkasnije **15 dana** od dana objave na Web stranici Ministarstva i oglasnoj ploči Odjela za prometnu edukaciju autoškola i vozačkih ispita.

Napomena:

Na prednjoj strani koverta, treba biti navedena

- a) adresa:

SREDNJOBOSANSKI KANTON
Ministarstvo obrazovanja, nauke, mladih, kulture i sporta
 (Odjel za prometnu edukaciju autoškola i vozačkih ispita)
Stanična 43, Travnik

"Prijava kandidata za člana Ispitne komisije" na poziciju: (navesti poziciju/je iz tačke I. ili II. ili III. ovoga javnog poziva na koju/je se prijavljujete) s naznakom **"ne otvarati"**.

- b) na poledini koverta **obavezno je navođenje imena i prezimena kandidata, te adrese stanovanja.**

Napomena:

Ukoliko aplicirate na više pozicija (pod točkom I. ili II. ili III. ovoga Javnog poziva na koju/je se prijavljujete), dužni ste da posebno pošaljete kovertu uz popunjene obrasce prijave i priložite propisanu dokumentaciju.

Dodatne informacije možete dobiti putem e-maila: mpzkis@bih.net.ba.

Posebne napomene: Nepotpune i neblagovremene prijave kandidata na Javni poziv, kao i koverta koja ne bude potpuno i pravilno adresirana sa navedenim uputama iz tačke IV., VI. i VII. ovoga Javnog poziva neće se razmatrati.

VIII. Kandidati koji zadovolje uslove Javnoga poziva, biti će pozvani na pismeni i usmeni test (intervju) iz poznavanja odredbi propisanih Zakonom o osnovama bezbjednosti saobraćaja u Bosni i Hercegovini ("Sl. glasnik BiH", br. 6/06, 75/20 - ispr, 44/07, 84/09, 48/10, 48/10 - dr. zakon, 18/13, 8/17, 89/17, 9/18, 46/23 i 88/23), Pravilnikom o načinu i uslovima organiziranja ispita za vozača motornih vozila ("Službeni glasnik Bosne i Hercegovine", broj 46/12), člana 10. i 11. Pravilnika o uslovima i načinu dobivanja licence ("Službeni glasnik Bosne i Hercegovine", broj: 12/07, 41/07 i 13/13), te na osnovi člana 18. Pravilnika o stjecanju zvanja vozača-instruktora motornih vozila („Službeni glasnik BiH“, broj: 15/07 i 41/07), sa osvrtom na kantonalne propise koji se odnose na Pravilnik o kontroli i nadzoru provođenja propisa osposobljavanja i provedbe ispita kandidata za vozača motornog vozila ("Službene novine SBK", broj 11/13 i 10/19), te stručnost i etičke norme u provedbi vozačkih ispita propisanih Etičkim kodeksom za članove komisije (koja provode ispite za licence, ispite za vozače motornih vozila i ispite za vozače-instruktoe motornih vozila ("Službene novine SBK", broj 5/09), objavljeni na web adresi ministarstva: <http://www.mozks-ksb.ba>.

Termini za obavljanje pismenog i usmenog testa (intervjua) s kandidatima koji su zadovoljili uslove iz Javnog poziva, biti će istaknuti na oglasnoj ploči Odjela za prometnu edukaciju autoškola i vozačkih ispita i na web adresi: <http://www.mozks-ksb.ba>.

IX. Komisija za provođenje procedure prema ovom Javnom pozivu, sastavit će listu uspješnih kandidata na osnovu Kriterija za izbor kandidata za člana Ispitne komisije za polaganje vozačkog ispita, te rezultata pismenog i usmenog testa (intervjua) provedenog sa kandidatima.

X. Rezultati Javnoga poziva, bit će istaknuti na oglasnoj ploči Odjela za prometnu edukaciju autoškola i vozačkih ispita, Ministarstva obrazovanja, nauke, mladih, kulture i sporta Srednjobosanskog kantona, Travnik, na web adresi: <http://www.mozks-ksb.ba>.



MINISTAR
Bojan Domić